



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, 11 IULAI, 2022, HOLA 3:00 'AUI.

MA O KA ZOOM: HĀLĀWAI WIKIŌ A LEO

Nā Lālā Komikina i Kū Mai:

- | | | |
|------------------------|---|---|
| Kalani Ka'anā'anā | - | Ke'ena Kuleana Ho'okipa o Hawai'i (HTA) |
| Maenette Ah Nee-Benham | - | Governor's Designee |
| Māpuana de Silva | - | Kaiāulu |
| Sylvia Hussey | - | Ke'ena Kuleana Hawai'i (OHA) |
| Jarrett Keohokālole | - | 'Aha Kenekoa o Hawai'i |
| Jamie Lum | - | Ke'ena Ho'omohala Waiwai a me ka Ho'okipa (DBEDT) |
| Richard Onishi | - | 'Aha Lunamaka'āinana o Hawai'i |
| Kehaulani Pu'u | - | Ke Kūlanakauhale a Kalana o Honolulu |

Nā Hoa Kipa:

- | | | |
|-----------------------|---|---|
| Danny Akaka | - | Kaiāulu |
| Mamiko Caroll | - | Kaiāulu |
| Maka Casson-Fisher | - | Ke'ena Kuleana Ho'okipa o Hawai'i (HTA) |
| Jonathan Johnson | - | Kaiāulu |
| Lynn J. Martin Graton | - | Kaiāulu |
| Ngahiraka Mason | - | Kaiāulu |
| Monte McComber | - | Royal Hawaiian Center |
| Mālia Sanders | - | 'Ahahui Ho'okipa 'Ōiwi Hawai'i |
| Kanoē Takitani-Puahi | - | 'Ahahui Ho'okipa 'Ōiwi Hawai'i |
| Margo Vitarelli | - | Kaiāulu |
| Mikki-tea Tapara | - | Kaiāulu |

Nā Limahana:

- | | | |
|-----------------|---|-------------|
| Elise Amemiya | - | Loio Kuhina |
| Marlene Hiraoka | - | DBEDT |
| Timothy Tiu | - | DBEDT |
| Scott Tome | - | DBEDT |

Nā Mihi:

- | | | |
|----------------|---|------------------|
| Snowbird Bento | - | Kaiāulu |
| Aaron Salā | - | Luna Ho'olaule'a |

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 11 Iulai, 2022, hola 3:00 'au ma o ka Zoom
'Ao 'ao 2 o 5

HO'OMAKA

Ma ka hola 3:03 'auinalā, ua aloha ka Luna Ho'omalulu Kalani Ka'anā'anā i ka po'e i hō'ea. Ua mālama ua Luna Ho'omalulu nei i ke kīkolā Komikina: ka Luna Ho'omalulu, Mike AhNee-Benham, Mike Hussey, Mika Keohokāole, Mike Lum, Mike de Silva, Mika Onishi, a me Mike Pu'u.

Ua mālama 'ia ka wehena papa hana na Mika Danny Akaka.

Ua ho'olauna akula 'o Mika Onishi iā Mika Danny Akaka 'o ia ke keiki na ke Kenekoa o 'Amelika Hui Pū 'Ia i hala 'o Daniel Akaka me ka mahalo pū i kona kākō'o iā Hawai'i Hikina a pēlā pū ka moku'āina a me ka nui i pōmaika'i ai ko Hawai'i i ka 'ohana Akaka. Ua mahalo akula ua Mika Akaka nei i ua Mika Onishi nei me ka hō'ike pū i ke aloha o kāna wahine 'o Anna Akaka (i mana'o mua 'ia nāna e mālama i ka wehena papa hana).

Ua ho'olauna lihi ua Mika Akaka nei i ka Papa Hana Mālama Honu the turtle i mālama 'ia na ka Mauna Lani Resort me ka hana pū 'ana me Sea Life Park kahi i hānai 'ia ai ka honu lū'au a ho'oku'u 'ia no ke 30 a 'oi makahiki. He mea kupanaha ka honu e kūhō'ailona ana no ka pili pū 'ana o ka po'e me ka mālama pū i ka honua. Ua paipai ho'i 'o ia i ka po'e e kipa i ka Mauna Lani me ka hō'ike pū i kona mana'o e ka'ana i ka honu me ka po'e a pau. Ua pule akula 'o ia. Ua unuhi pū akula ua Mika Akaka nei i ka pule i mālama 'ia ma ka 'ōlelo Hawai'i, me ka hō'ike pū i ka mea nui 'o ka hahai 'ana i ke ala kūpono e hehi ai i mua i ka wā e 'ākoakoa ana no ka ho'omākaukau no ka Ho'olaule'a o nā Hana No'eau o ka Pākīpika a Mo'omeheu 'Ōiwi, he papa hana mele a hula kūmau. I ka wā e ho'omākaukau ana ko Hawai'i e kono a ho'ākoakoa i ka po'e o ka Pākīpika e ho'olaule'a 'ia ai ka po'e 'ōiwi he mea hana no'eau, kālai'ike, mea hula, a mea like paha o ke kaiaulu Pākīpika ma Hawai'i, he mea kēia hanana e kōkua 'ia ai ke o mau o ka hana no'eau a mo'omeheu o ka po'e Pākīpika ma ka mālama a ho'ōla i nā hana no'eau a mo'omeheu ku'una me ka hō'ike i ka mana'o lōkahi. Ua noi 'o ia e mālama palekana 'ia ka po'e i ka po'e e na'i ana ma luna o nā 'ā'ume'ume o nā makahiki i hala iho nei ma muli o ka ma'i ahulau puni honua. Ua noi pū 'o ia e pāhola 'ia ka lima kōkua ma luna o ka po'e a pau i mea e hiki ai ke pili pū ma ka mea e hō'ike 'ia ai ke aloha.

Ua mahalo akula ka Luna Ho'omalulu i ua Mika Akaka nei i kona mana'o kahua ma ka wehena.

'ŌLELO HŌ'IKE A KA LEHULEHU

Noi mai ka Luna Ho'omalulu Ka'anā'anā i ka po'e lehulehu e hō'ike mai i ko lākou mau mana'o no nā kumuhana o ka papa kumumana'o. Me ka loa'a 'ole o nā mana'o i ho'opuka 'ia, ho'omau akula 'o ia i kahi kumumana'o aku.

'ĀPONO I KA MO'OLELO HĀLĀWAI 27 IUNE, 2022

Ua kāka'ahi 'ia akula ka mo'olelo hālāwai o ka lā 22 o Iune, 2022, a nānā pū 'ia e nā Lālā Komikina. Ua nīnau ka Luna Ho'omalulu inā he mana'o a mana'o ho'ololi hou aku nō paha. No ka loa'a 'ole, ua hāpai 'o ia he noi i ho'okō 'ia akula na Mika Onishi, i kōkua 'ia na Mike Ah Nee-Benham. Ua noi ua Mike Ah Nee-Benham e ho'oponopono 'ia he kiko hewa ma ke pani 'ana i ka hua'ōlelo 'o "gap" ma ka 'ao'ao 3 me "GANTT" 'o ia ka pela pololei. Ua hāpai 'ia a'ela he koho pāloka kīkolā na nā Lālā Komikina e 'āpono ana i ke noi e 'āpono i ka mo'olelo hālāwai o ka lā 27 o Iune, 2022, me ka ho'ololi nui 'ole 'ana: Ua 'āpono ka Luna Ho'omalulu, Mike Ah Nee-

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 11 Iulai, 2022, hola 3:00 'au ma o ka Zoom
'Ao 'ao 3 o 5

Benham, Mike Hussey, Mika Keohokālōle, Mike Lum, Mike de Silva, Mika Onishi, a me Mike Pu'u i ua mo'olelo hālāwai nei.

Ua 'āpono 'ia ua noi nei e 'āpono i ka mo'olelo hālāwai o ka lā 27 o Iune, 2022, me ka ho'ololi 'ana.

KA NŪ HOU NO NĀ WĀ HUI I 'ĀPONO 'IA, ME KA HAHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Ua hō'ike ka Luna Ho'omalū Ka'anā'anā no ka mālama 'ole 'ia o nā hālāwai kōmike.

KA HŌ'IKE'IKE, KE KŪKĀKŪKĀ, A ME KA HANA PILI I KA NŪ HOU MAI KE KŌMIKE PAPA LUNA HO'OKELE

No ka mālama 'ole 'ia o ka hālāwai Kōmike Papa Luna Ho'okele, ua hāpai ka Luna Ho'omalū i ke noi e ho'omau i kekahi kumumana'o.

KA HŌ'IKE'IKE, KE KŪKĀKŪKĀ, A ME KA HANA PILI I KE KŌMIKE WAHI A ME KA NŪ HOU MAI KE KŌMIKE PAPA HANA

No ka mālama 'ole 'ia o ka hālāwai Kōmike Wahi a Kōmike Papahana, ua hāpai ka Luna Ho'omalū i ke noi e ho'omau i kekahi kumumana'o.

KA HŌ'IKE'IKE, KE KŪKĀKŪKĀ, A ME KA HANA PILI I KA PALAPALA HŌ'IKE A KA LUNA HO'OLAULE'A

Ua ho'olilo ka Luna Ho'omalū i kāna māhele o ka hālāwai iā Mike Mālia Sanders nāna i hō'ike i ka mo'olelo Luna Ho'okele Ho'olaule'a maiā Mika Aaron Salā ma ka wikiō pa'i mai Fiji mai. Ua hō'ike maila ua Luna Ho'okele Ho'olaule'a nei no ka hō'ike 'ia o ka holomua o nā kumuhana lewa i kūkā mua 'ia ma ka hālāwai Komikina o 'Aukake. Ua hō'ike maila 'o ia no kona kono 'ia e komo i ka Pacific Islands Forum e mālama 'ia nei ma Pīkī kahi e kālele 'ia ai kekahi hālāwai ma luna o ka Ho'olaule'a o nā Hana No'eau o ka Pākīpika a Mo'omeheu 'Ōiwi 2024. Hō'ike maila 'o ai no ke kālele o ka 'aha ma luna o ka iwi o ka Blue Pacific Strategy. Hō'ike pū maila ua Luna Ho'okele Ho'olaule'a nei no ka mea nui 'o ka loli aniau ma ka hālāwai e pa'a ai he ala hikiāloa no ia wahi nona ke kālele ma ka loli aniau a me ke kahukahu 'ana i ke kūkulu ho'omauō.

Ua kā'ana like ua Luna Ho'okele Ho'olaule'a Salā nei i ka ho'olaha ho'opa'a lā Ho'olaule'a o nā Hana No'eau o ka Pākīpika a Mo'omeheu 'Ōiwi i haku 'ia na ka haumāna puka o Ke Kulanui o Hawai'i, ma ka māhele Academy of Creative Media. Ua hō'ike pū 'o ia he wikiō kikoho'e i haku 'ia na 4Miles LLC. Ua kōkua pū ua Luna Ho'okele Ho'olaule'a nei, ka lālā Komikina Bento, Dr. James Viernes o ko ka East West Center Pacific Island Development Program, a me kahi haumāna Kulanui o Hawai'i Pīkī. E hō'ike aku ana ua Luna Ho'okele Ho'olaule'a nei i ua wikiō nei ma ka 'aha'aina piha makahiki 50 ma ka 'aha. Hō'ike pū maila 'o ia no ka pili pū o ua 'aha'aina nei i kekahi hō'ike'ike e hō'ike 'ia ai ka Ho'olaule'a o nā Hana No'eau o ka Pākīpika a Mo'omeheu 'Ōiwi ma ka holo o nā makahiki. E hō'ike 'o ia he hō'ulu'ulu mana'o o kona komo 'ana ma ka hālāwai ma kekahi hālāwai Komikina.

Ua nīnau ka Luna Ho'omalū Ka'anā'anā inā he nīnau kā kekahi lālā.

Ua hāpai 'o Mike de Silva no ke ki'i a me ke kau 'ia o ka lōkō The Pacific Community (SPC) ma luna o nā huahana ki'i a ho'oka'a'ike no ka Ho'olaule'a o nā Hana No'eau o ka Pākīpika a Mo'omeheu 'Ōiwi 2024. Hō'ike maila 'o ia no ke komo 'ole 'ana paha o ka Luna Ho'okele Ho'olaule'a ma ia mau kūkā 'ana no ka mālama 'ia ma mua paha o kona komo 'ana ma kona kūlana 'o ia ka Luna Ho'okele Ho'olaule'a, eia nō na'e, no ka ho'opuka pupuāhulu 'ia o ua wikiō nei, 'a'ole paha i no'ono'o 'ia ka lōkō SPC. Hō'ike pū maila ua Mike de Silva nei no ka unuhi 'ia o nā huahana i ka 'ōlelo Palani kekahi. Ua hō'oiā pū 'ia ua 'ike nei na nā limahana nāna e hō'oiā me ka Luna Ho'okele Ho'olaule'a.

Ma hope o ka mo'olelo a ka Luna Ho'okele Ho'olaule'a, ua hō'ike ka Luna Ho'omalū no ka mea nui 'o ke kūkā 'ia o kekahi mau kumuhana hou aku no ka ho'olālā Ho'olaule'a No'eau a Pākīpika. Ke hopohopo nei 'o ia i ka laua 'ole o ka holomua, a e ho'okomo 'ia ua mau mea nei he kumuhana ma kekahi hālāwai Komikina. I loko nō o ka pa'a o nā mea nui e la'a ka noho hale a pēlā aku, he mana'o kona e pono e holomua hou aku ma kekahi mau wahi hou aku o ka ho'olālā 'ana. Nāna e kūkā i ua mau kumuhana nei me nā luna ho'omalū kōmike ma ka ho'omakakoho huahana a hopena.

Ua lōkahi ka mana'o o Mika Keohokālōle lāua 'o ka Luna Ho'omalū. Ma ka hāiki, 'o kahi nele ka papa manawa e ho'oulu kālā ai. Ua noi 'o ia e ho'okomo 'ia ua kumuhana nei ma ka papa kumumana'o o kekahi hālāwai Komikina. Hāpai pū ua Mika Keohokālōle no ka no'ono'o i ka hai i nā limahana hou aku e kāko'o ai i ka Luna Ho'okele Ho'olaule'a inā e pono ana he kāko'o hou aku ma ka ho'oulu kālā a me nā mea e pili pū ana. Ua 'ike 'o Mike Ah Nee-Benham, 'o ia ka Luna Ho'omalū o ke Kōmike Papa Ho'okele, i nā mana'o a noi e hāpai 'ia ana.

Ma ka mana'o paipai o Mike Sanders, ua hō'ike 'o Mike de Silva no ka Pacific Islands Forum a ka Luna Ho'okele Ho'olaule'a e komo nei i Pīkī. Ua kono 'ia ka SPC e nā mea ho'olālā 'aha e komo he māhina a emi mai paha ka pōkole o ke kono 'ana. Aia ma loko o ka 'aha ka 'aha'aina piha makahiki 50 o ka Festival of Pacific Arts and Culture. 'O ka pahuhopu ka 'imi 'ana he ka'akālai i lōkahi me ka Ho'olaule'a o nā Hana No'eau o ka Pākīpika a Mo'omeheu 'Ōiwi a me ke ka'akālai mo'omeheu kau'āina Pākīpika. Ua kono ka SPC i ua Mike de Silva nei e pani, me ka hahai pono 'ia o kāna e ka Pelekikena o Pīkī. 'Ōlelo 'o ia no ka mea nui o kēia he mea e 'ike 'ia ai 'o Hawai'i ma ka kaiāulu Pākīpika. E hō'ike pū 'ia ka wikiō a ka Luna Ho'okele Ho'olaule'a i hō'ike ai. Ua heluhelu akula 'o Mike de Silva i kona mau mana'o pani i nā lālā Komikina.

'ŌLELO HŌ'IKE A KA LEHULEHU

Ua kono 'o Ka'anā'anā, he Luna Ho'omalū, i ka lehulehu e hāpai hou i nā mana'o. Me ka loa'a 'ole o nā mana'o i ho'opuka 'ia, ua ho'omau akula 'o ia i nā ho'olaha.

NĀ HO'OLAHA

Ua mahalo akula ka Luna Ho'omalū Ka'anā'anā iā Mika Jonathan Johnson i kona likaia 'ana he 34 makahiki ma lalo o ka State Foundation of Culture and the Arts. Ua hō'ike maila ua Mika Johnson nei i kona mana'o e ho'omau i ke kāko'o i ka Ho'olaule'a o nā Hana No'eau o ka Pākīpika a Mo'omeheu 'Ōiwi he mea hana manawale'a i ka wā e mau ai ka ho'olālā 'ana.


Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 11 Iulai, 2022, hola 3:00 'au ma o ka Zoom
'Ao 'ao 5 o 5

KA HO'OPA'A HĀLĀWAI – 15 'AUKAKE, 2022

E mālama 'ia ana ka hālāwai komikina a'e i ka lā 15 o 'Aukake, 2022 i ka hola 3:00 'au.

HO'OKU'U

Ho'oku'u ka Luna Ho'omalū Ka'anā'anā i ka hālāwai i ka hola 3:38 'au.
Me ka ha'aha'a iho nō,



Kalani Ka'anā'anā
Luna Ho'omalū

Iulai 12, 2022

Lā